

Ken tabata ... **JOHN GERARD EMAN**

Rond di 1900 - esta principio di siglo 20 - Aruba no tabata tin banco. E tempo ey tabata tin exportacion di aloë, cuero di cabrito, kalki y e watapana. E hendenan tabata biba di pesca y loke cu nan cosechá di cunucu.

Pero tempo cu Lago a bin establecé na Aruba na 1924 a bin un cambio grandi. Tabata tin trabao na abundancia. Hopi hende a haya trabao y hasta a bin hendenan di otro islanan bin traha aki. Nos poblacion a crece y hopi negoshi a lanta. Den tur e desarrollo aki tabata tin un joven arubiano cu a mira e necesidad di un banco. Un lugar caminda hende por fia placa, cambia placa stranhero, spaar placa, etc. E joven aki tabata John Gerard Eman, cariñosamente jamá "Dudu", kende a nace na 1898.


Na edad di 27 aña, Dudu a mira su soño bira realidad. Pasobra na september di aña 1925 (79 aña pasa) e prome banco a habri su portanan na Aruba. E banco tabata situá den un edificio situá den Wilhelminastraat (mira portret). E banco tabata carga e nomber "John G. Eman Bank". E edificio di dos piso aki tabata keda dilanti e actual "Layex Building" caminda awor tin un lugar di stacioná auto. Famia Eman tabata biba ariba y e banco tabata den e piso abao. Algun aña pasá e edificio aki a worde bashá abao.

Ta mas cu claro cu e banco aki tabata e prome banco di Lago y ta ainda di hopi otro negoshinan cu a bin establecé of a lanta na Aruba den e

tempo ey. Por bisa cu e banco a crece pareo cu e progreso di nos isla.

Cu tempo a bin un enorme demanda pa prestamo di placa y e banco tabata tin mester di un expansion y inversion. Dia 1 di juni 1936 nan a cuminsa traha hunto cu un banco grandi na Corsouw y "John G. Eman Bank" a cambia nomber y a bira "N.V. Aruba Bank".

Ta un lastima cu Shon Dudu no a biba hopi p'e mira crecimiento di e prome banco di Aruba, su banco y su soño. Na aña 1944, cu solamente 46 aña el a fayecé.



look and feel healthy
look and feel healthy



Chabalito

Number 10 - Año VI - Afl. 2,-



BIBLIOTECA NACIONAL ARUBA



3 0993 00276 688 9